



Ulloq: 12. November 2025
Allaffik: Nordatlantkontoret
Suli.sulia: Niels Duelund
Suliap normua.: 2025-04705
Takussutissiaq: 3698147

Politiit Immikkut Paasiniaasartui (PET) pillugit inatsisip allanngortinneqarnera pillugu inatsimmi, illersornissaqarfiup politiillu immikkut paasiniaasartui pillugit ataatsimiititalianik pilersitsisoqarnissaa pillugu inatsimmi aamma pasinapiluttunik kalerriisartut illersorneqarnissaat pillugit inatsimmi (Immikkut paasiniaasartut nakkutilliivigineqarnerisa patajaallisaavigineqarnerat) § 1-p Kalaallit Nunaannut atuutilersinneqarnissaa pillugu peqqussut

UAGUT FREDERIK QULINGAT, Guutip Saammaassineratigut uagut Danmarkip Kunngia, nalunaarpugut:

Politiit Immikkut Paasiniaasartui pillugit inatsisip allanngortinneqarnera pillugu inatsimmi (PET pillugu inatsimmi) nr. 666-imi, 11. juni 2024-imeersumi, illersornissaqarfiup politiillu immikkut paasiniaasartui pillugit ataatsimiititalianik pilersitsisoqarnissaa pillugu inatsimmi aamma pasinapiluttunik kalerriisartut illersorneqarnissaat pillugit inatsimmi (Immikkut paasiniaasartut nakkutilliivigineqarnerisa patajaallisaavigineqarnerat) § 5, imm. 2ⁱ) malillugu aalajangerneqarpoq:

§ 1

Politiit Immikkut Paasiniaasartui pillugit inatsimmi (PET pillugu inatsimmi), peqqussutikkut nr. 1622-ikkut, 17. november 2020-

imeersukkut Kalaallit Nunaannut atuutilersinneqartumi,
allanngortitsinerit tulluuttut suliarineqassapput:

1. § 18-imi oqaaseqatigiinni siullerni, »taassuma malitsigisaanik«
kingorna ilanngunneqassaaq: », kiisalu Politiit Immikkut
Paasiniaasartuisa malittarisassat najoqqutassallu atuuttut
naapertorlugit suliakkerinerminnut tunngasumik suliasatik
isumagissagaat«.

2. § 18-imi imm. 2-tut ilanngunneqassaaq:

»Imm. 2. Imm. 1 malillugu nakkutilliisut aarlerinartut aallaavigalugit
pullavik malillugu nakkutilliinissatik pilersaarusiussavaat.«

3. § 20, imm. 1-imi, »pingaaruteqartoq« ima allanngortinneqassaaq:
»pingaaruteqarsinnaasoq«.

4. § 20, imm. 2-mi, »Nakkutilliisuni ilaasortat allatseqarfillu« ima
allanngortinneqassaaq: »Nakkutilliisut«.

5. § 20, imm. 3-mi, »inatsisitigut pissutsit« kingorna
ilanngunneqassaaq: »aamma, suliap allatut
paasissutissalerneqarnissaa periarfissaanngippat, paasiniaasartuni
aqutsisut, pineqartut taakku akisussaaffigisaat pillugit, nakkutilliisut
sulinerannut pissutsit piviusut pingaarutillit oqaatsit atorlugit
nassuiaateqarnissaat pillugit noqqaavigineqarsinnaapput«.

6. § 20-imi imm. 5-imiit 8 ilanngullugu immikkoortut
ilanngunneqassapput:

»Imm. 5. § 18, imm. 1-imi oqaaseqatigiit siulliit malillugit pissutsit,
suliffiup iluani kukkunersuiisartut nakkutilliisartullu piginnaasaasa
iluanniittut pillugit, nakkutilliisut Politiit Immikkut Paasiniaasartuini
suliffiup iluani kukkunersuiisartut nakkutilliinissaannik
noqqaavigisinnaavaat.

Imm. 6. Imm. 1, 3 aamma 5 malillugit Politiit Immikkut Paasiniaasartuisa tusarniaanermut imaluunniit noqqaassummut qaqugukkut akinissaannut piffissaliussamik naleqquttumik nakkutilliisut aalajangiisinnaapput. Oqaaseqatigiit siulliit malillugit piffissaliussap aalajangerneqarsimasup iluani Politiit Immikkut Paasiniaasartuisa akinissaat periarfissaanngippat, tassunga pissutaasoq allakkatigut immikkut paasiniaasartut nakkutilliisunut tunniutissavaat aamma akissutip qaqugukkut tunniunneqarnissaa naatsorsuutigineqarsinnaanersoq taassallugu.

Imm. 7. Malittarisassat najoqqutassallu atuuttut unioqqutinneqarsimanerat Politiit Immikkut Paasiniaasartuisa ilisimalerpassuk, unioqqutitsineq nakkutilliisunut attuumassuteqartoq aamma § 18, imm. 1-imi oqaaseqatigiit siulliit malillugit nakkutilliisut piginnaasaasa iluaniittoq nalilerneqarpat, immikkut paasiniaasartut tamanna pillugu nakkutilliisut nalunaarfigissavaat.

Imm. 8. Immikkoortut 1-imiit 5 ilanngullugu aamma imm. 7 apeqqutaatinnagit, naalagaaffiup isumannaatsuunissaanut imaluunniit naalagaaffinnut takornartanut pissutsinik pingaartitsinermut imaluunniit inuit inuunerannut, timaannut, peqqissusaannut imaluunniit kiffaanngissusaannut navianartorsiortitsinngitsumik paasissutissat imaluunniit atortussat ajoqusiitinnagit tunniunneqarsinnaanngippata, Politiit Immikkut Paasiniaasartuisa paasissutissat aalajangersimasut atortussalluunniit nakkutilliisunut tunniunneqarnissaat pinngitsoortissinnaavaat. Oqaaseqatigiit siulliit malillugit immikkut paasiniaasartut paasissutissanik aalajangersimasumik imaluunniit atortussanik nakkutilliisunut tunniussinissartik pinngitsoortippassuk, Politiit Immikkut Paasiniaasartuisa pisariaqanngitsumik utaqqissussinatik inatsiseqarnermut ministeri ilisimatissavaat. Tamatuma kingorna taaneqartorpiaat pillugit tunuliaqutaasut pillugit, Immikkut Paasiniaasartut pillugit Ataatsimiititaliaq Inatsiseqarnermut ministerip ilisimatissavaa.«

§ 2

Peqqussut ulloq atuutilissaaq.

Tunniunneqarpoq ... ulloq ...
Kunngisut Atsiorpugut Naqissusiillutalu
FREDERIK R.

/[ministerip atsiornera]

ⁱ Aalajangersagaq tulliuttunik oqaasertaliorneqarpoq: »Taama tulleriillutik, savalimmiuni aamma Kalaallit Nunaanni pissutsinut naleqqussaannerit allannguutigalugit, § 1 kunngip peqqussutaatigut tamakkiisumik imaluunniit ilaannakoortumik Savalimmiunut aamma Kalaallit Nunaannut atuutilersinneqarsinnaavoq.«